

## L TERRITORIE, NA OPORTUNITÀ PER DUC

Ence chest an l é ruà l'Aisciuda Ladina, e do doi egn passé vindedò i vidrie de fonins e computeres, l é na ocajon per se binèr endodanef duc ensema. E perché pa no se troèr sot l inom de nosc bel lengaz e de nosc teritorie coscita meraveous?

L argoment de chesta 14.a edizion l é apontin l teritorie, entenù desche teren per crescer, rich de oportunitèdes per duc. Se sà ben, la jent de Fascia la é semper stata leèda a sia identità e a sia tera: na tera rencurèda con amor da nesc veies, che à sapù maraveèr sacotenc foresc, e che ades la vegn ritèda da nesc joegn, che i met ju la semenzes per sie davegnir.

Chesta Aisciuda Ladina la ne met dant desvaliva ativitèdes. De gra a chestes, aron l met de recordèr l passà de nosc raion, col descorir la storia de Fascia e si troes desmentié, e de viventèr l prejent, col se tor del temp per na raida sa mont, tegnan semper adiment la regoles de bona creanza. Dut chest, per enjignèr l davegnir, col ge dèr lèrga ai joegn e a si projec che à semper a cher l teritorie e l ambient.

L é apontin per chesta rejon che l Comun general de Fascia, l Istitut Cultural Ladin, la Scola ladina de Fascia e l'Union di Ladins i a volù colaborèr a na vida che duc, gregn e picoi, joegn e veies, fascegn e jent da foradecà, posse se sentir pèrt de na tera che à n ensomech per n davegnir frutous e ciatarul!

**Tol pèrt ence tu co nos a l'Aisciuda Ladina!**



## TE LA SCOLINES FORA PER LA SETEMÈNA

Ativitèdes per ladin e magnadiva tradizionèla

**Rua Bertol per se mateèr mingol dessema!**

**Te chesta setemèna envion duc i fascegn a meter fora la bandiera ladina. Podede la comprèr aló da l'Union di Ladins de Fascia.**



[www.aisciudaladina.it](http://www.aisciudaladina.it)

### PER DE AUTRA INFORMAZIONS

Comun general de Fascia – Servijes linguistics e culturèi

Str. di Pré de gejia, 2 - 38036 SÈN JAN (TN)  
**tel. 0462-764500 int. 4**  
e-mail: [cultura@cgf.tn.it](mailto:cultura@cgf.tn.it)



**AISCIUDA  
LADINA**  
festival del lengaz



# 2-8 de mé 2022



LENGAZ, IDENTITÀ, JENT, TERRITORIE, CULTURA, STORIA

[www.aisciudaladina.it](http://www.aisciudaladina.it)



● **EN VENDER AI 29 DE ORIL**  
da les 20.30

Poza – Sala de Consei de Comun de Sèn Jan

*Antepruma de l'Aisciuda Ladina 2022*

**Scontrèda culturèla su la bandiera** e i etres simboi identitères. A cura del storich Cesare Bernard.

A duc chi che tol pèrt ge vegnarà dat en don na bandiera ladina


● **EN LUNESC AI 2 DE MÉ**  
da les 17.30

Soraga – Gran Ciasa

*Inaudazion de l'Aisciuda Ladina 2022*

- *Salut de la Autoritèdes*
- *Prejentazion del program de l'Aisciuda*
- *Prejentazion del prum codejel de la lingia "Entener e se fêr entener": Codejel de bona creanza per jir sa mont*
- *Buffet*

A duc chi che tol pèrt ge vegnarà dat en don na copia de la publicazion.



● **EN MERCOL AI 4 DE MÉ**  
da les 16.00

Poza – Sala del Oratorie

*Prejentazion del liber "Fascegn. Retrac de jent da zacan"*

Na regoeta, rencurèda da Nicoletta Riz, che bina ensema **passa 250 retrac** de jent de Fascia. Maridoc, baschies, raides sa mont, families, momenc de comunanza, material de gran valor storich, testamonech de coche noscia sozietà é mudèda. Prejentazion con musega e zeche da bon da cercèr.

Per chesta ocajion la publicazion vegn data fora a n priesc rebassà.



**EN JEBIA AI 5 DE MÉ**

Te duc i paijes de Fascia  
*Dì de la bandiera ladina*

● **EN VENDER AI 6 DE MÉ**  
da les 10.30

Sèn Jan – Liceo artistich

*"L liber di dejideries"*

**Vegn orì** la mostra multimediale **"L liber di dejideries: protagonist de mie davegnir"**, coi lurieres fac te chisc meisc passé dai bec de la scolina, dai scolees de la populères e dai studenc de la scola autes de la Scola ladina de Fascia. Per scriver ensema la piates de la vita che volon.

● **EN VENDER AI 6**  
da les 17.00

Sèn Jan – Museo Ladin de Fascia

*MIA MAJON DI FASCEGN: Laboratorie per bec de la scolina e de la scola populèra*

**Laboratorie creatif** per descorig e interpretèr i valores de la cultura ladina, de nosc teritorie e nosc lengaz tras l nef logo de la Majon di Fascegn. **Duc i bec de la scolina e de la scola populèra** é envié a tor pèrt, compagné da genitores e/o giaves. Coi lurieres fac se fornirà la sales de Museo e Istitut Ladin.

A duc chi che tol pèrt ge vegnarà sport na bela sorpresa da portèr a cèsa.

*Podede ve enscinuèr a la scomenzadiva enscin en mercol ai 4 de mé, chiaman ite te Museo Ladin o scrivan sun Whatsapp al numer 0462/760182.*

● **EN DOMENIA AI 8 DE MÉ**  
da les 14.30

Cianacei - Se se troa aló da la geja de sèn Forgian

*Do la pedies del temp. Cianacei e Mortic*

Raida a pe compagnèda per cognoscer l teritorie e descorig i vièi e chel che i à da ne contèr del passà. A cura de Gabriele Valentini.

Se aessa de esser catitemp la vegnarà sburlèda a n'atra di.